

**AUGLÝSING****um líti íslenska fánans.**

Litir þjóðfána Íslendinga ákvarðast sem hér segir:

Litirnir miðast við SCOTDIC-litastigann (Standard Colour of Textile, – Dictionnaire Internationale de la Couleur) þannig:

Heiðblái liturinn: SCOTDIC nr. 693009.

Mjallhvíti liturinn SCOTDIC nr. 95.

Eldrauði liturinn SCOTDIC ICELAND FLAG RED.

Nánari upplýsingar um fánalitina veitir forsætisráðuneytið og erlendis sendiráð Íslands. Fáninn í réttum litum og hlutföllum skal vera til sýnis í Þjóðminjasafni Íslands og hjá lögreglustjórum landsins.

Ákvæði þessi eru sett samkvæmt 13. sbr. 9. gr. laga nr. 34 17. júní 1944, um þjóðfána Íslendinga.

*Forsætisráðuneytið, 23. janúar 1991.*

**Steingrímur Hermannsson.**

*Guðmundur Benediktsson.*

**AUGLÝSING****um staðfesting forseta Íslands á breytingum á reglugerð nr. 78/1979,  
fyrir Háskóla Íslands, með áorðnum breytingum.**

Forseti Íslands féllst hinn 13. febrúar 1991 á tillögu menntamálaráðherra um að staðfesta eftirfarandi breyting á reglugerð nr. 78/1979, fyrir Háskóla Íslands, með áorðnum breytingum:

1. gr.

30. gr. orðast svo:

Háskólaárið telst frá 5. september til jafnlengdar næsta ár. Kennsluár háskólans skiptist í tvö kennslumisseri, haustmisseri frá 5. september til 21. desember og vormisseri frá 7. janúar til 26. maí. Háskólaráð getur ákveðið aðra misseraskiptingu fyrir einstakar deildir og námsbrautir.

2. gr.

1. ml. 1. mgr. 31. gr. orðast svo:

Á kennsluárinu eru þessi leyfi: Jólaleyfi frá 22. desember til 6. janúar og páskaleyfi frá miðvikudegi fyrir skírdag til þriðja í páskum.

3. gr.

44. gr. orðast svo:

Almenn próf eru haldin 10. til 21. desember, í allt að þrjár vikur á tímabilinu 29. apríl til 26. maí eftir ákvörðunum deilda og námsbrauta og 5–7 daga á tímabilinu 23. ágúst til 4. september eftir ákvörðunum deilda og námsbrauta. Ekki skal hafa fyrirlestra síðustu 5–7 daga

fyrir próftímabil. Hefji deild eða námsbraut kennslu fyrir 5. september samkvæmt 30. gr., skal prófum við hana vera lokið fyrir þann tíma. Próf eða prófhlutar í einstökum greinum geta þó farið fram á öðrum tímum en segir í 1. ml. samkvæmt ákvörðun háskólaráðs að höfðu samráði við prófstjóra. Háskóladeild er heimilt að ákveða hvort hún nýti þrjú próftímabil eða tvö og hvort hún nýtir próftíma til fulls. Auglýsa skal próftöflu í kennsluskrá ef unnt er, en annars með tveggja mánaða fyrirvara. Þó er heimilt að birta próftöflu fyrir haustpróf með mánaðar fyrirvara.

## 4. gr.

1. mgr. 46. gr. orðast svo.

Nú stenst stúdent ekki próf, gengur frá því eftir að hann hefur byrjað próf eða kemur ekki til prófs og hefur ekki boðað forföll, og er honum þá heimilt að þreyta prófið að nýju innan árs. Standist hann þá ekki prófið, gangi frá því eða komi ekki til prófs án þess að boða forföll, hefur hann fyrirgert rétti sínum til þess að ganga oftar undir það. Úrsögn úr prófi skal vera skrifleg og hafa borist skrifstofu háskólans eigi síðar en þremur dögum fyrir prófdag. Úrsagnarfrestur upptökuprófa að hausti skal þó vera 7 dagar. Háskóladeild getur þó veitt undanþágu frá ákvæðum þessarar málsgreinar, ef sérstaklega stendur á.

## 5. gr.

49. gr. orðast svo:

Prófandi og prófdómari, ef því er að skipta, ráða í sameiningu úrlausnarefni í hverri prófgrein og dæma úrlausnir. Ber að prófa sem víðast úr því efni, sem til prófs er. Prófandi og prófdómari ef tilkallaður er, dæma hvor um sig úrlausn í prófgrein hverri. Hvor um sig gefur sjálfstætt einkunn fyrir úrlausnina og gilda þær jafnt í einkunnagjöf. Einkunnir skulu birtar í síðasta lagi fjórum vikum eftir hvert haustmísserispróf en í síðasta lagi þremur vikum eftir önnur próf.

## 6. gr.

Reglugerðarbreyting þessi öðlast gildi 15. ágúst 1991.

*Menntamálaráðuneytið, 19. febrúar 1991.*

**Svavar Gestsson.**

*Árni Gunnarsson.*